

სატენდერო განცხადება

ტენდერის ტიპი	ერთეულებითი ელექტრონული ტენდერი
შემსყიდველი	შპს „თბილისის სატრანსპორტო კომპანია“
დაფინანსების წყარო	2016 - 2017 წლების საკუთარი შემოსავლები
შესყიდვის სავარაუდო ღირებულება	30'000 ლარი
სატენდერო წინადადება წარმოდგენილი უნდა იყოს	დღგ-ის გათვალისწინებით
კლასიფიკატორის (CPV) კოდი და კლასიფიკატორის დანაყოფი: 34300000	
კლასიფიკატორის (CPV) კოდი და შესყიდვის კონკრეტული ობიექტი: 34300000; 34320000	
შეთავაზების ფასის კლების ბიჯი	600 ლარი

შპს „თბილისის სატრანსპორტო კომპანია“



ელექტრონული ტენდერის საშუალებით

ბოგდან A1445 მარკის ავტობუსის გაგრილების სისტემის მაკომპლექტებლების (CPV 34300000; 34320000)

სახელმწიფო შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე.

ქ.თბილისი

2016 წ.

1. ინსტრუქცია ტენდერში მონაწილეთათვის

- 1.1 ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში - სისტემა) მეშვეობით.
- 1.2 სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.3 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი.
- 1.4 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5 სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედადამსული (ასეთის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).
- 1.6 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7 ტენდერის ჩატარების შესახებ განცხადებით ან/და სატენდერო დოკუმენტაციით მოთხოვნილი ინფორმაციის არასრულად წარმოდგენის ან ისეთი საკვალიფიკაციო დოკუმენტების/სატენდერო წინადადების წარმოდგენის შემთხვევაში, რომელიც არ პასუხობს ტენდერის ჩატარების შესახებ განცხადების ან/და სატენდერო დოკუმენტაციის ყველა მოთხოვნას, შესაძლებელია გამოიწვიოს ტენდერში მონაწილე პრეტენდენტის დისკვალიფიკაცია.
- 1.8 „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე, არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის - „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება.
- 1.9 სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ სატენდერო კომისიის აპარატის წევრს - მარიამ გიუნაშვილს, ტელ: (+995 32) 2 357777; 1605, ელ. ფოსტა: mgunashvili@metro.ge. მის: ქ. თბილისი, ვაგზლის მოედანი №2.

2. ტექნიკური დოკუმენტაცია

- 2.1 **შესყიდვის ობიექტი**
 - 2.1.1 შესყიდვის ობიექტს წარმოადგენს - ელექტრონული ტენდერის საშუალებით **ბოგდან A1445 მარკის ავტობუსის გაგრძელების სისტემის მაკომპლექტებლების (CPV 34300000; 34320000)** (შემდგომში - საქონელი) სახელმწიფო შესყიდვა.
 - 2.1.2 შესყიდვის ობიექტის ტექნიკური და ხარისხობრივი მახასიათებლები განისაზღვრება სატენდერო დოკუმენტაციის დანართი №2-ის შესაბამისად (ტექნიკური დავალება).
- 2.2 **საქონლის მიწოდების ვადა და ადგილი**
 - 2.2.1 მიწოდების ვადა:
შესყიდვის ობიექტის მიწოდების ვადად განისაზღვრება ხელშეკრულების გაფორმების თარიღიდან, არაუგვიანეს 60 (სამოცი) კალენდარული დღე.
 - 2.2.2 მიწოდების ადგილი:
შესასყიდი საქონლის მიწოდების ადგილია - ქ. თბილისი, ანდრონიკაშვილის I შესახვევი №38ა.
- 2.3 **სატენდერო წინადადების ღირებულება**
 - 2.3.1 სატენდერო წინადადების ღირებულება და პრეტენდენტის მიერ წარმოსადგენი (შესავსები) ფასების ცხრილი განისაზღვრება სატენდერო დოკუმენტაციის დანართი №1-ის შესაბამისად.
 - 2.3.2 სატენდერო წინადადებაში საერთო და ერთეულის ღირებულება გამოსახული უნდა იყოს საქართველოს კანონმდებლობით გათვალისწინებული და შესასყიდი საქონლის მიწოდებასთან დაკავშირებული ყველა გადასახადისა და გადასახდელის ჩათვლით.
 - 2.3.3 სატენდერო წინადადების საერთო და ერთეულის ღირებულების წარმოდგენა დასაშვებია მხოლოდ ლარში.
- 2.4 **ანგარიშსწორების პირობები**
 - 2.4.1 ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული საქონლის შესაბამისად, მაგრამ არაუმეტეს ყოველ ჯერზე მიწოდებული საქონლის ღირებულების 70%-ისა, ხოლო საბოლოო ანგარიშსწორება განხორციელდება ხელშეკრულებით ნაკისრი ვალდებულების სრულად შესრულების შემდეგ.
 - 2.4.2 ანგარიშსწორება მოხდება 2016-2017 წლების საკუთარი შემოსავლებით.
 - 2.4.3 ანგარიშსწორება განხორციელდება 15 (თხუთმეტი) სამუშაო დღის განმავლობაში, ხელშეკრულების შესაბამისად გაფორმებული მიღება-ჩაბარების აქტის, სასაქონლო ზედნაღებისა და საგადასახადო ანგარიშ-ფაქტურის (იმ შემთხვევაში თუ მიმწოდებელი არ არის დღგ-ს გადახდელი, მაშინ მან უნდა წარმოადგინოს შესაბამისი ცნობა სსიპ შემოსავლების სამსახურიდან) წარდგენის საფუძველზე, მაგრამ არაუმეტეს ყოველ ჯერზე მიწოდებული საქონლის ღირებულების 70%-ისა.
 - 2.4.4 წინასწარი ანგარიშსწორება (ავანსი) არ გამოიყენება.

2.5 საგარანტიო პირობები

- 2.5.1 დანართი №1-ში მითითებული მისაწოდებელი საქონელი უნდა იყოს სრულიად ახალი (არ უნდა იყოს ექსპლუატაციაში ნამყოფი) და ხარისხიანი.
- 2.5.2 მიწოდებულ საქონელზე საგარანტიო ვადა უნდა შეადგენდეს:
- **დანართი №1-ის პირველ და მე-3 პოზიციებზე** - საქონლის მიწოდების შესახებ შედგენილი დოკუმენტის (მიღება-ჩაბარების აქტის) გაფორმების თარიღიდან, არანაკლებ - **12 (თორმეტი)** თვეს;
 - **დანართი №1-ის მე-2, მე-4 და მე-5 პოზიციებზე** - საქონლის მიწოდების შესახებ შედგენილი დოკუმენტის (მიღება-ჩაბარების აქტის) გაფორმების თარიღიდან, არანაკლებ - **6 (ექვსი)** თვეს.
- 2.5.3 საგარანტიო პერიოდში მიმწოდებელი ვალდებულია წუნდებული საქონლის შეცვლა განახორციელოს შემსყიდველის მიერ წერილობითი მოთხოვნიდან არაუმეტეს 10 (ათი) კალენდარული დღის ვადაში, შემსყიდველის მხრიდან რაიმე დამატებითი დანახარჯის გაწევის გარეშე.

2.6 ალტერნატიული წინადადება

პრეტენდენტს არ აქვს უფლება წარმოადგინოს ალტერნატიული წინადადება.

2.7 პრეტენდენტის მიერ სისტემაში ასატივრთი დოკუმენტაცია

- 2.7.1 სატენდერო დოკუმენტაციით გათვალისწინებული **დანართი №1 (ზოგდან A1445 მარკის ავტობუსის გაგრილების სისტემის მაკომპლექტებლების** ფასების ცხრილი), აღნიშნულ დანართში პრეტენდენტის მიერ მითითებულ უნდა იქნას პრეტენდენტის დასახელება, სატენდერო წინადადების ფასი (როგორც ციფრობრივად, ისე სიტყვიერად), შემოთავაზებული საქონლის საერთო და ერთეულის ღირებულებები, საქონლის წარმოშობის ქვეყანა, მწარმოებელი ფირმა და მოდელი, საქონლის მიწოდების და საგარანტიო ვადები, ამავე დანართით გათვალისწინებული პირობების შესაბამისად.
- 2.7.2 სატენდერო დოკუმენტაციით გათვალისწინებული **დანართი №2** (ტექნიკური დავალება), ამავე დანართით გათვალისწინებული პირობების შესაბამისად.
- 2.7.3 სატენდერო დოკუმენტაციით გათვალისწინებული **დანართი №3** (პრეტენდენტის რეკვიზიტები), ამავე დანართით გათვალისწინებული პირობების შესაბამისად.

2.8 დამატებითი ინფორმაცია

- 2.8.1 იმ შემთხვევაში, თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით.
- 2.8.2 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა უნდა დასაბუთდეს აკრედიტებული ორგანოს/პირის მიერ გაცემული ექსპერტიზის დასკვნით. ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-11- მე-14 პუნქტებით განსაზღვრული წესები.

3. ხელშეკრულება სახელმწიფო შესყიდვის შესახებ №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ერთი მხრივ, შპს „თბილისის სატრანსპორტო კომპანია“ (მის: ქ. თბილისი, ვაჟლის მოედანი №2), წარმოდგენილი - სახით (შემდგომში „შემსყიდველი“) და მეორე მხრივ, _____ (იურიდიული მის: _____) წარმოდგენილი - _____ სახით (შემდგომში „მიმწოდებელი“), შემდგომში ორივე ერთად წოდებული როგორც მხარეები „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის, სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად და შემსყიდველის მიერ გამოცხადებული ელექტრონული ტენდერის (_____ სახელმწიფო შესყიდვა) საფუძველზე, ვდებთ სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია, რომელიც „სახელმწიფო შესყიდვების შესახებ“ საქართველოს კანონით განსაზღვრული თანხებით ახორციელებს სახელმწიფო შესყიდვას.
- 1.2. „მიმწოდებელი“ - პირი, რომელმაც მოიპოვა გამარჯვება შემსყიდველის მიერ გამოცხადებულ ტენდერში (SPA_____).
- 1.3. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, მასზე თანდართული და მიმწოდებლის მიერ წინამდებარე ხელშეკრულების 1.2 პუნქტში მითითებული, ტენდერისათვის წარმოდგენილი ყველა დოკუმენტით, მათ შორის:
 - 1.3.1 ფასების ცხრილი (დანართი №1);
 - 1.3.2 ტექნიკური დავალება (დანართი №2);
 - 1.3.3 პრეტენდენტის რეკვიზიტები (დანართი №3).
- 1.4 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5 „დღე“, „კვირა“, „თვე“ - კალენდარული დღე, კვირა, თვე.

2. ხელშეკრულების საგანი

- 2.1 ხელშეკრულების საგანს წარმოადგენს შემსყიდველი ორგანიზაციის მიერ ----- (შემდგომში „საქონელი“) სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: -----.
- 2.3 მისაწოდებელი საქონლის დასახელება, ზომის ერთეული, რაოდენობა და ერთეულის ფასი განისაზღვრება დანართი №1-ის შესაბამისად.
- 2.4 შესყიდვის ობიექტი შეფუთული უნდა იყოს ქარხნული წესით ისე, რომ დაცული იყოს გარემო ზემოქმედებისაგან, გარდა იმ პროდუქციისა, რომლის შეფუთვაც შეუძლებელია ქარხნული წესით.

3. ხელშეკრულების ღირებულება

- 3.1 ხელშეკრულების საერთო ღირებულება განისაზღვრება მიმწოდებლის მიერ წარმოდგენილი დანართი №1-ის შესაბამისად და შეადგენს ----- (-----) ლარს.
- 3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს და გადასახდელებს, დღგ-ის ჩათვლით.

4. საქონლის მიწოდების ვადა და ადგილი

- 4.1. მიმწოდებელი საქონლის მიწოდებას განახორციელებს სახელმწიფო შესყიდვის შესახებ ხელშეკრულების გაფორმების დღიდან არაუგვიანეს ---- კალენდარული დღის ვადაში.
- 4.2. შესასყიდი საქონლის მიწოდების ადგილია - ქ. თბილისი, ანდრონიკაშვილის I შესახვევი №38ა.
- 4.3. საქონლის მიწოდებას მიმწოდებელი უზრუნველყოფს საკუთარი ხარჯით.
- 4.4. მიმწოდებელი ვალდებულია, საქონლის მიწოდებამდე არანაკლებ 1 (ერთი) დღით ადრე, ელექტრონული ფოსტის - mgudadze@metro.ge და სატელეფონო შეტყობინების საშუალებით - ტელ: 032 2 35 77 77 (72 - 50) აცნობოს შემსყიდველს საქონლის მიწოდების შესახებ.

5. ხელშეკრულების შესრულების კონტროლი

- 5.1 მიმწოდებლის მიერ აღებული ვალდებულებების ჯეროვნად შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განახორციელოს ხელშეკრულების შესრულების კონტროლი.
- 5.2 შემსყიდველის მხრიდან ხელშეკრულების შესრულების კონტროლს ახორციელებენ: _____ (შემდგომში „ინსპექტორების ჯგუფი“).
- 5.3 ინსპექტორების ჯგუფის ფუნქციებია:
 - 5.3.1 გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
 - 5.3.2 დაადგინოს მიწოდებული საქონლის ან/და მისი ნაწილის ხარისხის შესაბამისობა ხელშეკრულებით გათვალისწინებულ მოთხოვნებთან;
 - 5.3.3 გააფორმოს მიმწოდებელთან მიღება-ჩაბარების აქტი და უზრუნველყოს მიწოდებული საქონლის მიღება.

6. საქონლის საგარანტიო პირობები და ვადები

- 6.1 მიმწოდებელი იძლევა გარანტიას, რომ მიწოდებული საქონელი იქნება სრულიად ახალი (არ იქნება ექსპლუატაციაში ნამყოფი), ხარისხიანი და შესაბამემა საქონლის ტექნიკურ პირობებს (შესყიდვის ობიექტის ტექნიკური დავალება).

- 6.2 მიმწოდებელი იძლევა გარანტიას საქონლის მიწოდების შესახებ შედგენილი დოკუმენტის (მიღება-ჩაბარების აქტის) გაფორმების გაფორმების თარიღიდან:
- დანართი №1-ის პირველ და მე-3 პოზიციებზე - --- თვეს;
 - დანართი №1-ის მე-2, მე-4 და მე-5 პოზიციებზე - --- თვეს.
- 6.3 მიმწოდებელი ვალდებულია შემსყიდველის მიერ წერილობითი მოთხოვნიდან არაუმეტეს 10 (ათი) კალენდარული დღის ვადაში განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 6.4 მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.
- 6.5 შემსყიდველ ორგანიზაციას უფლება აქვს უარი განაცხადოს წუნდებული საქონლის მიღებაზე.

7. საქონლის მიღება-ჩაბარების წესი

- 7.1 მიმწოდებლის მიერ მიწოდებული საქონელი ჩაითვლება მიღებულად მიღება-ჩაბარების აქტის გაფორმების საფუძველზე.
- 7.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 7.3 მიღება-ჩაბარების აქტი დგება საქონლის (ან მისი ნაწილის) ყოველი მიწოდების დასრულების შემდეგ.
- 7.4 საქონლის მიღება და საბოლოო შემოწმება ხდება საქონლის მიწოდების ადგილზე.
- 7.5 საქონლის მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორების პირობები და ვადები

- 8.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული საქონლის შესაბამისად, მაგრამ არაუმეტეს ყოველ ჯერზე მიწოდებული საქონლის ღირებულების 70%-ისა.
- 8.2. საბოლოო ანგარიშსწორება განხორციელდება ხელშეკრულებით ნაკისრი ვალდებულების სრულად შესრულების შემდეგ.
- 8.3. ანგარიშსწორება განხორციელდება 15 (თხუთმეტი) კალენდარული დღის განმავლობაში, ხელშეკრულების შესაბამისად გაფორმებული მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (იმ შემთხვევაში თუ მიმწოდებელი არ არის დღე-ს გადამხდელი, მაშინ მან უნდა წარმოადგინოს შესაბამისი ცნობა სსიპ შემოსავლების სამსახურიდან) წარდგენის საფუძველზე, მაგრამ არაუმეტეს ყოველ ჯერზე მიწოდებული საქონლის ღირებულების 70%-ისა.
- 8.4. წინასწარი ანგარიშსწორება (ავანსი) არ გამოიყენება.
- 8.5. შემსყიდველი უფლებამოსილია, მიმწოდებლის მიერ შემსყიდველისათვის ხელშეკრულებით გათვალისწინებული ნებისმიერი ასანაზღაურებელი თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 8.6. საქართველოს კანონმდებლობით გათვალისწინებული ყველა გადასახადის და გადასახდელის გადახდაზე პასუხისმგებელია მიმწოდებელი.

9. მხარეთა უფლება-მოვალეობანი

- 9.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის მოთხოვნათა სრული დაცვით.
- 9.2 შემსყიდველი უფლებამოსილია:
- 9.2.1 განახორციელოს ზედამხედველობა მიმწოდებლის მიერ ხელშეკრულების პირობების დაცვაზე;
- 9.2.2 ხელშეკრულების მე-4 პუნქტით გათვალისწინებული საქონლის მიწოდების ვადების დარღვევის შემთხვევაში მიმწოდებლისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.3 შემსყიდველი ვალდებულია:
- 9.3.1 მიიღოს მოთხოვნილი საქონელი;
- 9.3.2 მოახდინოს მიმწოდებელთან ანგარიშსწორება წინამდებარე ხელშეკრულებით გათვალისწინებული წესების შესაბამისად;
- 9.3.3 განახორციელოს ამ ხელშეკრულებით მასზე დაკისრებული სხვა ვალდებულებები;
- 9.4 მიმწოდებელი უფლებამოსილია:
- 9.4.1 მოითხოვოს შემსყიდველისგან მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად;
- 9.4.2 ანგარიშსწორების ვადის დარღვევის შემთხვევაში შემსყიდველისაგან მოითხოვოს პირგასამტეხლოს გადახდა ხელშეკრულებით გათვალისწინებული ოდენობის შესაბამისად;
- 9.5 მიმწოდებელი ვალდებულია:
- 9.5.1 მიაწოდოს შემსყიდველს ნივთობრივად და უფლებრივად უნაკლო საქონელი;
- 9.5.2 საქონლის მიწოდება განახორციელოს წინამდებარე ხელშეკრულების მე-4 პუნქტში მოცემული პირობების შესაბამისად;
- 9.5.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე. აგრეთვე, დაუყოვნებლივ განახორციელოს ქმედებები აღმოჩენილი ხარვეზის გამოსწორებისათვის;
- 9.5.4 შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;
- 9.5.5 განახორციელოს ამ ხელშეკრულებით მასზე დაკისრებული სხვა ვალდებულებები.

10. ხელშეკრულებაში ცვლილებების შეტანა

- 10.1 ხელშეკრულების დამდებ არც ერთ მხარეს უფლება არ აქვს ცალმხრივად შეცვალოს ხელშეკრულების პირობები.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევისა.

- 10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11. ხელშეკრულების შეწყვეტა

- 11.1 ხელშეკრულება შეიძლება შეწყდეს:
- 11.1.1 მხარეთა წერილობითი შეთანხმებით;
- 11.1.2 ხელშეკრულების ვადის გასვლის გამო;
- 11.1.3 საქართველოს კანონმდებლობით ან/და ამ ხელშეკრულებით გათვალისწინებულ სხვა შემთხვევებში.
- 11.2 შემსყიდველი უფლებამოსილია ცალმხრივად შეწყვიტოს ხელშეკრულება (მთლიანად ან ნაწილობრივ), თუ:
- 11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- 11.2.2 მიმწოდებელი სისტემატიურად ან/და უხეშად არღვევს ხელშეკრულების პირობებს;
- 11.2.3 მიმწოდებელი ხელშეკრულებით გათვალისწინებულ ან გაგრძელებულ ვადებში ვერ უზრუნველყოფს ხელშეკრულებით გათვალისწინებული ვალდებულებების შესრულებას;
- 11.2.4 მიმწოდებლის გაკოტრების შემთხვევაში;
- 11.2.5 საქართველოს კანონმდებლობით გათვალისწინებულ სხვა შემთხვევებში.

12. მხარეთა პასუხისმგებლობა

- 12.1 მხარეები იღებენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობის ან არაჯეროვანი შესრულების შედეგად მიყენებული ზიანი, საქართველოს მოქმედი კანონმდებლობით განსაზღვრული წესით.
- 12.2 შემსყიდველი პასუხისმგებელია ხელშეკრულებით გათვალისწინებული ანგარიშსწორების ვადების დარღვევისათვის. ასეთი დარღვევის არსებობის შემთხვევაში, იგი ვალდებულია პირგასამტეხლოს სახით მიმწოდებელს გადაუხადოს გადასახდელი თანხის 0.1 პროცენტი ყოველი ვადაგადაცილებული დღისათვის.
- 12.3 მიმწოდებელი პასუხისმგებელია ხელშეკრულების მე-4 პუნქტით გათვალისწინებული ვადების დარღვევისათვის. ასეთი დარღვევის არსებობის შემთხვევაში იგი ვალდებულია, პირგასამტეხლოს სახით შემსყიდველს გადაუხადოს მისაწოდებელი საქონლის ღირებულების 0.5 პროცენტი ყოველი ვადაგადაცილებული დღისათვის.
- 12.4 თუ მიმწოდებელი საგარანტიო ვადის პერიოდში არ განახორციელებს წუნდებული საქონლის შეცვლას, ხელშეკრულების 6.3 პუნქტის შესაბამისად, დაეკისრება პირგასამტეხლოს სახით წუნდებული საქონლის ღირებულების 0.5 პროცენტი ყოველი ვადაგადაცილებული დღისათვის.
- 12.5 თუ საქონლის მიწოდებისას, (მათ შორის საგარანტიო ვადის პერიოდში), დანართი №1-ით გათვალისწინებულ თითოეულ პოზიციაზე საქონლის საერთო რაოდენობის 50%-ზე მეტი აღმოჩნდება წუნდებული, მიმწოდებელი ვალდებულია შემსყიდველს ორგანიზაციას დამატებით აუნაზღაუროს წუნდებული საქონლის ღირებულების ორმაგი ოდენობა.
- 12.6 პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულებისაგან.

13. ფორს-მაჟორი

- 13.1 მხარეები თავისუფლდებიან პასუხისმგებლობისაგან თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ასეთი ვითარების არსებობის შემთხვევაში ხელშეკრულების პირობების ან რომელიმე მათგანის მოქმედების შეჩერება არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუალაზრებელ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ფორს-მაჟორს მიეკუთვნება ბუნებრივი ხდომილებანი ან პოლიტიკური, სამხედრო, სამართლებრივი, შრომითი, სოციალური, საგანგებო და შეუქცევადი გარემოებები (დაუძლეველი ძალა), როგორიცაა ომი, სტიქიური მოვლენები, ეპიდემია და აშ.
- 13.3 მხარე, რომელიც ხელშეკრულების 13.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას, ვალდებულია დაუყოვნებლივ წერილობით აცნობოს მეორე მხარეს ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული ან/და სხვა ხელშემშლელი გარემოებების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.
- 13.4 ფორს-მაჟორული ან/და სხვა ხელშემშლელი გარემოებების დადგომის შემთხვევაში თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 13.5 ხელშეკრულების 13.3 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

14. დავების გადაწყვეტა

მხარეთა შორის წინამდებარე ხელშეკრულებიდან გამომდინარე ნებისმიერი დავა გადაწყდება ურთიერთშეთანხმების გზით. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობით დადგენილი წესის შესაბამისად.

15. ხელშეკრულების სხვა პირობები

- 15.1 ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 15.2 ამ ხელშეკრულებით გათვალისწინებული საკითხები განისაზღვრება საქართველოს მოქმედი კანონმდებლობის შესაბამისად.
- 15.3 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითო ეგზემპლარი ინახება ხელშეკრულების მონაწილე მხარეებთან.

16. ხელშეკრულების მოქმედების ვადა

- 16.1 ხელშეკრულება ძალაშია მისი ხელმოწერის დღიდან და მოქმედებს ----- წლის ----- ჩათვლით, (გარდა ამ ხელშეკრულების მე-6, 12.4 და 12.5 პუნქტებისა).
- 16.2 ხელშეკრულების მე-6, 12.4 და 12.5 პუნქტები ძალაშია ხელმოწერის დღიდან და მოქმედებს საგარანტიო ვადის სრული პერიოდის განმავლობაში.

17. მხარეთა რეკვიზიტები

„შემსყიდველი“

შპს „თბილისის სატრანსპორტო კომპანია“
საიდენტიფიკაციო ნომერი: 202886788
იურიდ. მის: ქ. თბილისი, ვაგზლის მოედანი №2
ტელ: (995 32) 2 93 50 50.
სს თიბისი ბანკი
ა/ა GE67TB7931836070100001; ბანკის კოდი: TBCBGE22

„მიმწოდებელი“

საიდენტიფიკაციო ნომერი: _ _____
იურიდ. მის: _____
ტელ: (995 32) _____.

ა/ა _____; ბანკის კოდი: _____

ბოგდან A1445 მარკის ავტობუსის გაგრილების სისტემის მაკომპლექტებლების ფასების ცხრილი

„_____“ 2016 წ.
(შევსების თარიღი)

_____ აღნიშნულ საქონელს გთავაზობთ _____ (_____) ლარად (დღგ-ის ჩათვლით)*.
(პრეტენდენტის დასახელება) (თანხა ციფრებით) (თანხა სიტყვიერად)

№	საქონლის დასახელება	ზომის ერთეული	რაოდენობა	საქონლის წარმოშობის ქვეყანა	შემოთავაზებული საქონლის მწარმოებელი ფირმა	შემოთავაზებული საქონლის მოდელი (არსებობის შემთხვევაში)	ერთეულის ღირებულება (დღგ-ის ჩათვლით)*	საერთო ღირებულება (დღგ-ის ჩათვლით)*	საქონლის მიწოდების ვადა ხელშეკრულების გაფორმების თარიღიდან არაუგვიანეს	საგარანტიო ვადა საქონლის მიწოდების შესახებ შედგენილი დოკუმენტის (მიღება-ჩაბარების აქტის) გაფორმების თარიღიდან
I	II	III	IV	V	VI	VII	VIII	IX	X	XI
1	გაგრილების სისტემის რადიატორი	ცალი	6						___ კალენდარული დღე	___ თვე
2	კომპლექტი სარემონტო წყლის ტუმბოს	კომპლ.	15						___ კალენდარული დღე	___ თვე
3	ტუმბო წყლის ბოგდან A144.5	ცალი	5						___ კალენდარული დღე	___ თვე
4	რადიატორი სალონის გამათბობლის	ცალი	20						___ კალენდარული დღე	___ თვე
5	ელექტრო ძრავი სალონის გამათბობლის	ცალი	20						___ კალენდარული დღე	___ თვე

შენიშვნა:

- (*) დღგ-ის გადამხდელის შემთხვევაში სატენდერო წინადადების ფასი წარმოდგენილი უნდა იყოს დღგ-ის გათვალისწინებით.
- მე-10 გრაფაში პრეტენდენტმა უნდა მიუთითოს საქონლის მიწოდების კონკრეტული ვადა ტექნიკური დოკუმენტაციის 2.2 პუნქტის 2.2.1 ქვეპუნქტის შესაბამისად.
 - მე-11 გრაფაში პრეტენდენტმა უნდა მიუთითოს კონკრეტული საგარანტიო ვადა ტექნიკური დოკუმენტაციის 2.5 პუნქტის 2.5.2 ქვეპუნქტის შესაბამისად.

_____ (პასუხისმგებელი პირის თანამდებობა, სახელი გვარი) _____ (ხელმოწერა)

ტექნიკური დავალება

№	კლასიფიკატორის კოდი CPV	საქონლის დასახელება	სატენდერო დოკუმენტაციით განსაზღვრული საქონლის ტექნიკური პარამეტრები	მითითება შესაბამისობის შესახებ ან პრეტენდენტის მიერ შემოთავაზებული საქონლის ტექნიკური პარამეტრები*
I	II	III	IV	V
1	34320000	გაგრილების სისტემის რადიატორი	ბოგდან A144.5 მარკის ავტობუსის ISUZU-ს ფირმის 6HE1TC ტიპის ძრავის გაგრილების სისტემასთან თავსებადი. დამზადებულია სპილენძისაგან ზომებით 950x580x95 მმ. ფიჭური ნაწილი ზედა და ქვედა მხრიდან დაფარულია სახურავებით, რომლებშიც განთავსებულია გამაგრილებელი სითხის მისაწოდებელი მილტუჩები დიამეტრით 50 მმ. ზედა სახურავში ერთი და იგივე მხარეს განთავსებულია ორი მილტუჩი, რომელთა ცენტრებს შორის მანძილი 370 მმ-ია. ზედა მხრიდან სახურავს აქვს ნახვრეტი ხრახნით M28x1.5 გამაგრილებელი სითხის დონის გადამწოდისათვის. ქვედა სახურავში იგივე მხარეს განთავსებულია ერთი ცალი მილტუჩი. გვერდებიდან რადიატორს აქვს ლითონის ჩარჩო რომელშიც ორივე მხარეს განთავსებულია ნახვრეტები ხრახნით M10x1.25 რადიატორის დიფუზორზე დასამაგრებლად და ძრავის ტურბო კომპრესორის რადიატორის სამაგრებისათვის. დიფუზორზე სამაგრი ნახვრეტები განთავსებულია მილტუჩების მხარეს სიმეტრიულად ორივე გვერდზე და ფიჭური ნაწილის ზედა მხრიდან. პირველი ნახვრეტი დაშორებულია 100 მმ-ით, მეორე 465 მმ-ით, მესამე 715 მმ-ით. რადიატორის მეორე მხარეს ასევე ორივე გვერდზე სიმეტრიულად განთავსებული ნახვრეტები ფიჭური ნაწილის ზედა მხრიდან დაშორებულია შემდეგნაირად: 100 მმ, 195 მმ, 655 მმ, 750 მმ.	
2	34320000	კომპლექტი სარემონტო წყლის ტუმბოს	ბოგდან A144.5 მარკის ავტობუსის 8-97602782-2 წყლის ტუმბოსთან თავსებადი. სარემონტო კომპლექტი მოიცავს: 1. ღერძს, სიგრძით 162 მმ, დიამეტრი საკისრების და შკივის ჩასმის ადგილებზე 25 მმ, ჩობალის ჩასმის ადგილზე 16 მმ, ფრთოვანას ჩასმის ადგილზე 15.5 მმ; 2. ფრთოვანას (8-94397375-0), რომელიც დამზადებულია 2 მმ-იანი თუნუქით, დიამეტრი 97-98 მმ, 6 ფრთით, ფრთის სიგრძე გრძელ მხარეს 35 მმ, მოკლე მხარეს 17.5 მმ, ფრთის სიგანე ძირში 15 მმ თავში 12 მმ, სიმაღლე ძირთან ერთად 13 მმ, 15 მმ დიამეტრის და 18 მმ სიღრმის ღრმულით ღერძზე დასაპრესად; 3. ჩობალს (8-94392090-0) შიდა დიამეტრით 15.5 მმ, გარე 36.5 მმ, სიმაღლით 22 მმ; 3. მილისას DxdxH=32x26.5x28; 4. ჩამკეტ რგოლს დიამეტრით 66 მმ; 5. 2 ცალ ზეთამსხლეტს Dxd=61x25 მმ Dxd=50x25.5 მმ; 6. რეზინის შემამჭიდროვებელ რგოლს.	

3	34320000	ტუმბო წყლის ბოგდან A144.5	ბოგდან A144.5 მარკის ავტობუსის ISUZU-ს მარკის 6HEITC ტიპის ძრავის გაგრილების სისტემასთან თავსებადი. ახდენს წყლის ცირკულირებას გაგრილების სისტემაში. კორპუსი დამზადებულია ალუმინისგან, წყლის გამოსასვლელით D=51მმ d=37მმ, გამოსასვლელზე 4.5მმ-იანი ღარიტ რეზინის შემამჭიდროებელი რგოლისათვის. კორპუსზე განთავსებულია შესაზეთი ძუძუკი. შიგა მხრიდან ექვსფრთიანი წყლის დამჭირხნი ფრთოვანით(8-94397375-0), რომელიც დამზადებულია 2მმ-იანი თუნუქისგან და დაპრესილია ტუმბოს ღერძზე. ფრთოვანას დიამეტრი 97-98 მმ. გარეთა მხრიდან წყლის ტუმბოს ღერძზე დიამეტრით - 25მმ დაპრესილია D=153 მმ დიამეტრის შკივი არა ნაკლებ სამი B პროფილის ღარით. წყლის ტუმბო 6HEIT ძრავის ბლოკზე ემაგრება 8 ცალი 8.5 მმ-იანი და 1 ცალი 11 მმ-იანი ნახვრეტის საშუალებით.	
4	34320000	რადიატორი სალონის გამათბობლის	ბოგდან A144.5 მარკის ავტობუსის გათბობის სისტემასთან თავსებადი. დამზადებულია ალუმინისაგან ზომებით 245x160x45 მმ, პლასტმასის 2 სახურავით, რადიატორის მთლიანი ზომაა 300x160x45 მმ. ერთ სახურავზე განთავსებულია 2 ცალი 16 მმ-იანი მილტუჩი გათბობის სისტემის რეზინის მილების მისაერთებლად.	
5	34320000	ელექტრო ძრავი სალონის გამათბობლის	ბოგდან A144.5 მარკის ავტობუსის გათბობის სისტემასთან და TEMPO-8000(24V) ტიპის სალონის გამათბობელთან თავსებადი. ცილინდრული ფორმის ელ-ძრავი, ზომებით HxD=90x76 მმ, რომლის ორივე მხარეს განლაგებულია ჰაერის დამჭირხნი ცილინდრული ფორმის ფრთები, ზომებით HxD=80x113 მმ. მთლიანი სიგრძე 232 მმ. ქსელში ჩასართავი სადენის სიგრძე 210 მმ, რომელიც დაბოლოებულია ორშესართავიანი გასართით.	

შენიშვნა:

- იმ შემთხვევაში, როცა ტექნიკური დავალების (დანართი №2) მე-4 გრაფაში შემსყიდველის მიერ განსაზღვრულია საქონლის ტექნიკური პარამეტრების დასაშვები დიაპაზონი, პრეტენდენტმა მე-5 გრაფაში უნდა მიუთითოს შემოთავაზებული საქონლის კონკრეტული ტექნიკური პარამეტრები;
- იმ შემთხვევაში, როცა ტექნიკური დავალების (დანართი №2) მე-4 გრაფაში შემსყიდველის მიერ განსაზღვრულია საქონლის კონკრეტული ტექნიკური პარამეტრები, პრეტენდენტმა მე-5 გრაფაში უნდა გააკეთოს მითითება შემოთავაზებული საქონლის ტექნიკური პარამეტრების სატენდერო დოკუმენტაციით განსაზღვრულ ტექნიკურ პარამეტრებთან შესაბამისობის შესახებ.

(პასუხისმგებელი პირის თანამდებობა, სახელი გვარი)

ხელმოწერა

პრეტენდენტის რეკვიზიტები:

პრეტენდენტის იურიდიული ფორმა და დასახელება:

საიდენტიფიკაციო/ პირადი ნომერი:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

პრეტენდენტის საკონტაქტო ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

(პასუხისმგებელი პირის თანამდებობა, სახელი გვარი)

ხელმოწერა